

E deal di Valero y AVP

# Ta hole corrupto y stinki sin ningun garantia pa su futuro existencia

Segun Nel Oduber



**LIDER** di MEP, Nel Oduber ta di opinion cu Bill Klesse, alto ehecutivo di Valero hunto cu Mike Eman a firma un pacto diabolico, pa yuda AVP gana eleccion, pero cu a lo largo lo perhudica e pueblo di Aruba. Dia cu a negocia pa re-apertura

nunca e mester a bende e refinaria aki.

Dia cu Valero a cumpra e refinaria aki for di El Paso, nan a gana di 2004 pa 2008, 2.2 biyon florin y si el a paga belasting, e lo a paga 926 miyon florin, pero

di e refinaria, a negocia pa Aruba tin un refinaria pa hopi aña, pero lamentablemente Oscar Wyatt no a inverti e tempo ey den un Cat-cracker y den un Delay Coker y modernisa e refinaria p'e produci mihor producto. Si Oscar Wyatt a cumpli, anto

Henny Eman a duna Coastal 3 tax-holiday nobo.

Den negociacion cu Bill Klesse, segun Nel Oduber, el a bis'e di ta dispuesto pa acomod'e, pero Gobierno kier garantisca cu Valero lo inverti 2 biyon dollar den e refinaria, lo inverti den e trahadornan y Gobierno tabata kier un garantia cu Valero lo keda 15 aña minimo na Aruba. Lo yuda Gobierno pa mengua e problemanan di Medio Ambiente.

Pero Bill Klesse un dado momento a bisa Nel Oduber, cu e ta dispuesto pa paga Gobierno 50 miyon dollar. Si Bill Klesse haci esey, anto lo kita BBO inmediatamente. Pero unabes na Merca, Bill Klesse a cambia di opinion y a demanda pa haya "investerings aftrek". Si dun'e esaki, y inverti den un Hyder-Cracker, Valero lo no paga

nunca mas belasting. Y esaki a keda rechaza, ya cu Gobierno ta dispuesto pa dune algo, pero di otro banda e mester duna Gobierno algo tambe.

Despues cu MEP a bay for di Gobierno, e mesun Bill Klesse a hunga un wega cu Mike Eman, unda nan a palabra cu lo stop e operacion di e refinaria. Lo duna Valero bek 76 miyon cu Gabinete Eman a cobra nan. Lo keda paga e trahadornan di Valero, mientras lo busca un comprador.

Valero ningun momento a sera su refinaria, pero a "free wheel" buscando un comprador y pesey no por papia di un re-apertura, pasobra nunca e refinaria a sera, pero a stop di opera. Valero a hinca 96 miyon florin den e refinaria, di cual 75 miyon el a haya di Gobierno.

Tempo cu Gobierno di MEP tabata negocia cu Valero, mesun Mike Eman aki a yama Gobierno di e tempo ey pa corrupto. Awor Valero a haya for di e Gobierno actual, 23 aña cu e no ta paga belasting, e lo no paga nunca mas impuesto di dividendo, e no tin ningun obligacion di inverti. Valero no tin ningun obligacion pa mantene e trahadornan y no mester desmantela e refinaria. Segun Nel Oduber, e deal aki ta corrupto, e ta stinki. Valero a yuda AVP den campaña pa por a haya un deal asina aki.

Su consenshi no ta permiti'e pa un multinacional asina hopi cos, sin ningun clase di garantia, segun lider di MEP. Den existencia di Valero, nan no a inverti nada y nan lo ta den operacion te april awor.